

mai mala qaynepan

pitewawaR mai iku mukalamaz maynep, pataz melaziw ti tu Rabetin
yau uzusa dukian qawka iku metuRuz, azu tangi siqulin ta qinpanan mai
mala qaynepan ku. azu deddan 'nnay mai iku mepilay, mai tu qalabutan ay
sataqsian, padames mai ti mala qaynepan ku, Raqana, tamaikuan
qalaydawan ay nani qaynepan.

kasianeman ku pama yaw ussiq tasaw deddan na bulan, menunu ya
hibangan, temanana tina ku sa kalingku, aiku seRay tina ku ezan ti imi
simsanu, hibangan na deddan 'nnay zaqis pa iku tu semuRap ay gasuling
temanana sa kalingku, ta ngayaw na hibangan deddan, azu iku tu pitewawaR
mai tu niana qapilayan, mai iku matazay tu qataRawan na uRu ay lanas,
melilizaq inengati anem ku temanana, maseq tu leppaw mewazing ti iku tu
Ribang qatiwan sa kalingku, sangian ku ti duki qumni qasuwatan, qangid
suRap masuwat zaqis tu qitun, ta qarabi ngid iku kalamaz maynep uwalu
dukian maynep ti iku, wanayka pawRat iku ngid qaynep mai mala qaynepan
ku, temuzus tu Rabtin yaw uzusa dukian, qasukaw senazau zin na anem ku,
nazau pasi qatangzasan qalaziw ti niqaynepan ku, uman ti Rasa tu tasu ay
paya na gasulung, pasi mai ti tu qadeddan, samangsa ti tu hibangan ku qaya.

tuRuz na, masuwat iku undu, maska tu qapilay pa ita tu kiya zin ku,
qeman ti iku tu kiakiya qaqaanan, mai pa sebian mala pa qaynepan ku, mala
iku tu pitewawaR temayta ti tu sudad 'nay metuRuz ti iku, maska iku pasi
qaynep ti iku, wanayka manna semani, pitewawaR temayta ti iku tu sudad
zau metuRuz ti iku, tangi qarabi temayta iku tu dudad zau padames nengi
waway ku, temuzus tu tarbabi ulima dukian siqulin ta qinpanan mai tu
qaynepan, kasianem iku qangi ma masuwat, mezaqis ti iku tu qitun matiwa sa
teqezan na gasuling. matiwa iku ta teqezan na gasuling ta pabaliwan tu
satarbaban ay tiyam meRasa tu satarbaban, temawik tawki na pabaliwan
tu satarbaban ay timaikuan, semuRap isu! pameng ma iku metawa, mai iku
semanu tu ussa iku semuRap, maqezaq ay nani mai mala qaynepan ku, pasi
tenes ti iku mai temanana sa kalingku temayta tu bai ku, sizengue ti iku tu ta
ngayaw na leppaw na bai ku ay buqan na lazing seRay maqelazing simqena
ay zukatan na sezang tarbabi.

(文章大意 僅供參考) ※字數限 200 字

失眠

我平常讀書晚上十二點才睡覺，如果那天沒有用掉很多體力及功課的壓力，就更不容易睡著。

中秋連假，媽媽先回花蓮，我是放假第一天搭最早的火車回去。假期前一天晚上，我整理好行李想早點睡，但怎麼都睡不著，心想今晚肯定要失眠，如果熬到凌晨才睡著，可能會睡過頭，車票就沒有用了。我選一本平常看了就想睡的書來看，說也奇怪，越看越有精神。清晨五點了，乾脆起身前往車站去。可能是我太久沒回花蓮，很想念外婆家前的海灘和外婆。